

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी हों पच्छिम एशिया संकट दे चलदे लोकें थमां इक बरे लेई सुन्ना नैई खरीदने-ईधन दी खपत घट्ट करने ते विदेशी मुद्रा बचाने दा आग्रह कीता।
2. प्रधानमंत्री नरेन्द्र मोदी गुजरात च सोमनाथ अमृत पर्व च हिस्सा लैगंन।
3. असम दे राज्यपाल लक्ष्मण प्रसाद आचार्य हों हिंमता बिस्वा सरमा हों गी राज्य च नमीं सरकार दे गठन लेई साद्दा दिता ऐ।
4. उत्तराखंड प्रशासन नै चार धाम यात्रा दे श्रद्धालुएं गी राज्य च खराब मौसम दी स्थिति दे चलदे सौहगा ते सर्तक रौहने ते सुरक्षा मानकें दी पालमा करने दी अपील कीती।
5. पच्छिम एशिया संघर्ष गी खत्म करने दे जतनें दे चलदे अमरीका दे राष्ट्रप्रति डोनाल्ड ट्रम्प हों ईरान दे नमें शांति प्रस्ताव गी नां-मंजूर करी दिता।
6. ते AFC Under-17 महिला एशिया कप फुटबॉल दे क्वाटर फाइनल मैच च अज्ज भारत दा मकाबला चीन कन्नै होग।

<><><><><><>

PM –Fuel

प्रधानमंत्री नरेन्द्र मोदी हों पच्छिम बंगाल संकट दे चलदे लोकें थमां इक बरे तगर सुन्ना नैई खरीदने- ईधन दी खपत घट्ट करने ते विदेशी मुद्रा बचाने दा आग्रह कीता ऐ। हैदराबाद च कल इक समारोह च मोदी हों वर्क फ्रॉम होम बवस्था परतिए शुरु

करने दी अपील कीती। प्रधानमंत्री हुंदी एह अपील ऐसे समे पर आई ऐ जिसलै पच्छम एशिया च बददे तनाऽ ते होर्मुज जल डमरु मध्य दे आले-दोआले रुकावटें करी वैश्विक कच्चे तेल दीयां कीमतां लगभग 70 डॉलर फी बैरल थमां बदिए लगभग 126 डॉलर प्रति बैरल होई गई ऐ। प्रधानमंत्री होरें नागरिकें थमां सोची-समझिए खर्चें पर परतिए विचार करने दी अपील कीती- कीजे मुल्खै गी बददी वैश्विक ऊर्जा लागते करी आर्थिक दबा दा सामना करना पवा'रदा ऐ।

<><><><><><>

India Renewable Energy

भारत दुनिया च नवीकरणीय ऊर्जा दी स्थापित क्षमता च त्रिए नम्बर पर ऐ। मॉर्गन स्टेनली दी नमीं रिपोर्ट मूजब भारत दा नवीकरणीय ऊर्जा परिवर्तन बाहरी निर्भरता गी घट्ट करने च सहायक होग- पर एदी सफलता इस गल्ला पर निर्भर करौग जे मुल्ख च सौर Cell- वेफर ते पॉलीसिलिकॉन जनेह महत्वपूर्ण सरबंधी धड़े दा मुकामी स्तह पर उत्पादन किन्नी तेजी कन्नै हुंदा ऐ। मंत्रालय दे आंकड़े मूजब घरेलू- सौर मॉड्यूल क्षमता मार्च 2024 च 38 गीगा वाट थमां बदिए मार्च 2025 च 74 गीगावाट होई गई। सौर सेल क्षमता बी 9 गीगावाट थमां बदिए 25 गीगावाट होई गई ऐ।

<><><><><><>

PM -Somnath

प्रधानमंत्री नरेन्द्र मोदी होर पैहले Jyotirlinga सोमनाथ महादेव मंदर दे परतिए निर्माण दे 75 बरे दे मौके पर अज्ज सोमनाथ “अमृत पर्व 2026” च हिस्सा लैडन। ओह भगवान सोमनाथ हुंदी पूजा ते कुम्भाभिषेक करडन ते मगरा जनसभा गी सम्बोधित

करडन। प्रधानमंत्री होर इक रोड शो बी करडन। इस मौके पर मुखमंत्री भूपेन्द्र पटेल ते उपमुखमंत्री हर्ष सांघवी बी मौजूद रौहडन। प्रधानमंत्री होर मगरा बडोदरा बी जाडन-जित्थे ओह संजा'लै करीबन 6 बजे सरदार धाम छात्रावास दा उदघाटन करडन। इस होस्टल च इक जहार जागते ते इक जहार कुड़िये लेई रौहने-बौहने सने होर दुइयां सुविधा उपलब्ध न। मोदी होर सरदार धाम परिसर च सोआगत कक्ष- नागरिक सुविधाएं- भोजन कक्ष ते इ-प्रस्तकालय सने बक्ख-बक्ख सुविधाएं दा दौरा करडन। इस मौके पर प्रधानमंत्री होर किट्ठे गी सम्बोधित बी करडन।

<><><><><><>

Assam New Govt.

असम दे राज्यपाल लक्ष्मण प्रसाद आचार्य होरे भारतीय जनता पार्टी दे हिंमता बिस्वा सरमा होरे'गी राज्य च नमी सरकार दे गठन लेई साद्दा दिता ऐ। असम च NDA दी एह लगातार तीस सरकार होग। NDA विधानमंडल दल दा सभने दी सहमती कन्ने नेता चुने जाने मगरा हिंमता होरे गठबंधन दे होरने नेताएं कन्ने लोकभवन च राज्यपाल हुंदे कन्ने मलाटी कीती ते सरकार बनाने दा दावा पेश कीता हा। श्री आचार्य कल सरमा ते मंत्री परिषद दे नमें सदस्ये गी ओहदे ते राजदारी दी सगंध दौआडन। शपथ ग्रहण समारोह Khanapara स्थित पशु चिकित्सा महाविद्यालय दे खेड्ड मैदान च आयोजित कीता जाहग। समारोह च प्रधानमंत्री नरेन्द्र मोदी- केन्द्रीय गृहमंत्री अमित शाह ते भाजपा अध्यक्ष नितिन नवीन सने होर लोके दे मौजूद रौहने दी मेद ऐ।

<><><><><><>

Char Dham

उत्तराखंड प्रशासन नै चार धाम यात्रा दे श्रद्धालुएं ते सैलानियें थमां राज्य च खराब मौसम दी स्थिति दे चलदे सौहगा ते सर्तक रौहने ते सुरक्षा मानके दा पालन करने दी अपील कीती ऐ। मौसम विभाग नै उत्तराखंड दे बक्ख-बक्ख हिस्सें खास करी पर्वतीय क्षेत्रें च कल ते बुधवार गी खराब मौसम ते बरखा दा ऑरेंज अलर्ट जारी कीता ऐ। गठवाल दे डिविजनल कमीशनर विनय शंकर पांडे होरें श्रद्धालुएं ते सैलानियें थमां अपील कीती जे उनें गी यात्रा दौरान मौसम सरबंधी जानकारी रखनी चाईदी ते सौहगा रौहने दे कन्ने यात्रा कार्यक्रम तयार करना लोइचदा। उनें मौसम गी दिक्खदे होई 12 ते 13 मई गी यात्रा कार्यक्रम तयार करदे मौके मता सौहगा रौहने दी अपील कीती।

<><><><><><>

US -Iran Conflict

पच्छम एशिया संघर्ष गी खत्म करने दे जत्तनें दे चलदे अमरीका दे राष्ट्रपति डोनाल्ड ट्रम्प होरें ईरान दे नमें शांति प्रस्ताव गी नां मंजूर करी दिता ऐ। सोशल मीडिया दी इक पोस्ट च राष्ट्रपति ट्रम्प होरें आखेआ जे उनें ईरान दे प्रस्ताव गी पूरी चाली खारिज करी दिता ऐ। एदे थमां पैहले ईरान नै आखेआ हा जे उन्ने पच्छम एशिया च संघर्ष खत्म करने दे मकसद कन्ने अमरीका दे नमें प्रस्ताव पर अपना परता भेजेया ऐ। एह परता पाकिस्तान राएं भेजेआ गेआ जेड़ा ईरान ते अमरीका बश्कार बचौलिए दी भूमिका निभा रदा ऐ।

<><><><><><>

National Tech Day

राश्ट्री प्रोद्योगिकी ध्याड़े दे मौके पर भारत 1998 दे ऐतिहासिक पोखरण-2 परीक्षणें गी चेता करा'रदा ऐ। एह मौका इक निर्णायक पल हा- जिनें राश्ट्र दी वैज्ञानिक क्षमता-रणीतिक संकल्प ते तकनीकी महत्वकांक्षा गी दर्शाया हा। परमाणु तरक्की शा लेइयै नवाचार तंत्र- स्टार्ट अप- इन्क्यूबेशन सेंटर ते स्वेदशी अनुसंधान तगर-भारत अज्ज दुनिया दी अग्रणी वैज्ञानिक शक्तियें च शामिल ऐ। आकाशवाणी समाचार दी जम्मू इकाई प्रोद्योगिकी- अनुसंधान ते नवाचार दे राएं आत्मनिर्भर भारत दे सुखने गी अगड़ा बधाने आहले वैज्ञानिकें- नमिं काहड्डें ते दूरदर्शी लोकें गी नमन करदा ऐ।

<><><><><><>

Football

चीन दे सूजौ च AFC Under-17 महिला एशिया कप फुटबॉल दे क्वाटर फाइनल मैच च अज्ज भारत दा मकाबला मेज़बान चीन कन्नै होग। एह मैच जितने पर भारती टीम फीफा अंडर -17 महिला विश्व कप आस्तै क्वालीफाई करी लैग। एह महिला फुटबॉल च फीफा विश्व कप आस्तै भारत दा पैहला क्वालीफिकेशन होग।

<><><><><><>

IPL

आई.पी.एल क्रिकेट च अज्ज पंजाब किंग्स गा मुकाबला दिल्ली कैपिटल्स कन्नै होग। एह मैच धर्मशाला च हिमाचल प्रदेश क्रिकेट एसोसिएशन दे स्टेडियम च संजा साइडे 7 बजे खेडेया जाहग। एहदे शा पैहले कल रातीं रायपुर च खेड्डे गेदे इक शानदार मकाबले च रॉयल चैलेन्जर्स बेंगलूरु नै मुम्बई इंडियन्स गी 2 विकेटें कन्नै हराया।

पैहले बल्लेबाजी करदे होई मुम्बई दी टीम 20एं ओवरे च 7 विकेटें दे नुकसान पर 166 रन्ज बनाए। एहदे परते च बेंगलूरु दी टीम नै मैच दी खीरी गेंद पर लक्ष हासल करियै मैच अपने नां करी लैता। क्रुणाल पांडेया नै सब्भनें शा मते 73 रन्ज बनाए। कल दिने खेड्ढे गेदे इक होर मैच च चेन्नेई सुपर किंग्स नै लखनऊ सुपर जायंटस गी 5 विकेटें कन्ने रहाया।

<><><><><><>

Asian Weight Lifting

एशियाई वेट लिफ्टिंग चैम्पियनशीप 2026 अज्जै थमां गुजरात दे गांधीनगर च शुरु होआ रदी ऐ। भार तुलकने आहली एह प्रतियोगिता 44 बरे दे वक्फे दे बाद भारत च करोआई जा करदी ऐ जेहड़ी 17 मई तगर चलोग। इस प्रतियोगिता च 28 मुख्यें थमां 180 एथलीट हिस्सा लैने आए देन- जिंदे च भारत-चीन- श्रीलंका ते चीनी ताइपे दे वेट लिफ्टर बी शामिल न। सब्बने शा मती गिनतरी च एथलीट भारत-चीन ते श्रीलंका थमां न -जिंदी गिनतरी 16-16 जिसलै के चीनी ताइपे थमां 15 प्रतिभागी हिस्सा लै करदे न। भारतीय दल दी अगुआई बिंद्या रानी देवी ते अजीत नारायण जनेए तुर्जुबेकार खडारी करै करदे न- जिसलै जे निरुपमा देवी लवप्रीत सिंह ते देबाबरत भराली बी भारतीय दल दा हिस्सा न।

<><><><><><>

IMD Weather

मौसम विभाग नै अज्ज गुजरात ते राजस्थान च जबरदस्त गर्मी पौने दी पेशनगोई कीती दी ऐ ते नेह हालात अगले 3 कोला 4 दिनें तगर बरोबर बने दे रौहने दे आसार

दस्से गेदे न। तौंआई कोकण ते गोवा च गर्मी दे कन्नो-कन्नी गुम्मे आहला म्हौल बने
रौहने दी तवक्को जताई गेदी ऐ। मौसम विभाग दी जानकारी मुजब असम-केरल-
मेघालय- माहे- तमिनाडू- पुदुचेरी-कराईकल च भारी बरखा बरी सकदी ऐ- जिसलै कि
जम्मू-कश्मीर लद्दाख-दिल्ली-हरियाणा-पंजाब- चंडीगढ़ दे इलाके च गर्जी चमकियै बरने
दी मेद जताई जा'रदी ऐ। लगभग इस्सै चाल्ली दा मौसम बिहार- पच्छिम बंगाल-
ओडीशा- आंध्रप्रदेश- कर्नाटक- छतीसगढ़- हिमाचल प्रदेश ते पूर्वोत्तर राज्ये दे किश
हिस्से च बने रौहने दे इमकान न।

<><><><><><>